

UDRUŽENJE POSLODAVACA U FEDERACIJI BIH SARAJEVO

Z A P I S N I K

sa XII redovne Skupštine Udruženja poslodavaca u FBiH, održane dana 26.03.2013. godine u 12 sati, u Hotelu „Europa“ u Sarajevu.

Skupštinu je otvorio Predsjednik Skupštine gospodin Zoran Gazibarić i uputio uvodnu riječ dobrodošlice prisutnim članovima Skupštine. Predsjedavajući je uputio posebne pozdrave doprimjeru Desnici radojeviću, predsjedavajućem Predstavničkog doma Parlamenta FBiH gđinu. Fehimu Škaljiću, predsjedavajućem Doma naroda Radoju Vidoviću, DirektorU Uprave za inspekcijske poslove FBiH gosp. Ibrahimu Tirku, zamjeniku direktora PU gđinu. Vinku Križanu, predstavniku PK kao i drugim gostima koji su prisustvovali Skupštini.

Prije nego što je Predsjedavajući Skupštine predložio dnevni red zamolio je goste da se obrate.

Članovima Skupštine su se obratili gđin. Fehim Škaljić, gđin. Desnica Radivojević, gđin. Ibrahim Tirak, gđin. Radoje Vidović, gđin. Vinko Križan koji su izrazili svoju spremnost za saradnju sa UPFBiH i zaželjeli uspješan rad Skupštini.

Predsjedavajući je prema listi prisutnih utvrdio da je na ovoj Skupštini prisutno 60 članova. Obzirom da je kvorum za rad 40 prisutnih članova Skupštine Predsjedavajući je konstatovao da Skupština može punovažno odlučivati.

Predsjedavajući Skupštine je predložio sljedeći:

D N E V N I R E D

- 1) Izbor verifikacione komisije, zapisničara i ovjerivača zapisnika;
- 2) Razmatranje i usvajanje zapisnika sa XI izborne Skupštine UPFBiH;
- 3) Razmatranje i usvajanje;
 - a) Prijedloga Izvještaja o radu U.O. UPFBiH za 2012 godinu, izvjestioc Safudin Čengiđ;
 - b) Prijedloga Izvještaja delegacije ESV-a za 2012. godinu, izvjestioc Safudin Čengiđ;
 - c) Prijedloga Finansijskog izvještaja UPFBiH za 2012. godinu, izvjestioc Mladen Pandurević;
 - d) Prijedloga Programa rada UPFBiH za 2013. godinu, izvjestioc Safudin Čengiđ;
 - e) Prijedloga Finansijskog plana UPFBiH za 2013 godinu, izvjestioc Mladen Pandurević;
 - f) Prijedloga Statuta o izmjenama i dopunama Statuta, izvjestioc Mladen Pandurević;
 - g) Prijedlog Odluke o visini članarine, izvjestioc Mladen Pandurević;
- 4) Predlaganje Skupštini za izbor predsjednika i dva zamjenika predsjednika Skupštine;
- 5) Razno

Predsjedavajući Skupštine je upoznao prisutne da su za sve tačke dnevnog reda dobili materijale i zamolio prisutne da se izjasne da li prihvataju predloženi dnevni red.

ZAKLJUČAK: Dnevni red je jednoglasno usvojen.

RASPRAVA PO TAČKAMA DNEVNOG REDA:

I tačka – Izbor verifikacione komisije, zapisničara i ovjerivača zapisnika

Predsjedavajući Skupštine je istakao da je zadatak komisije da konstatuje rezultate glasanja. Za članove komisije predlažu se gđa. Vesna Smajlović i gđin. Seid Fijuljanin .

Prijedlog za zapisničara je Mersiha Jusić, sekretar Udruženja poslodavaca u FBiH.

ZAKLJUČAK: Obzirom da nije bilo novih prijedloga, prijedlozi da se za članove verifikacione komisije imenuju gđa. Vesna Smajlović i gđin. Seid Fijuljanin, za zapisničara Mersiha Jusić su jednoglasno usvojeni.

II tačka - Razmatranje i usvajanje zapisnika sa XI redovne Skupštine Udruženja poslodavaca u Federaciji BiH

Predsjedavajući je napomenuo da su svi dobili zapisnik u materijalima i stavio zapisnik na glasanje te zamolio prisutne da daju svoje primjedbe.

ZAKLJUČAK: Zapisnik jednoglasno usvojen u predloženom obliku.

III tačka- Razmatranje i usvajanje:

- a) Prijedloga Izvještaja o radu U.O. UPFBiH za 2012 godinu, izvjestioc Safudin Čengiće;
- b) Prijedloga Izvještaja delegacije ESV-a za 2012. godinu, izvjestioc Safudin Čengiće;
- c) Prijedloga Finansijskog izvještaja UPFBiH za 2012. godinu, izvjestioc Mladen Pandurević;
- d) Prijedloga Programa rada UPFBiH za 2013. godinu, izvjestioc Safudin Čengiće;
- e) Prijedloga Finansijskog plana UPFBiH za 2013 godinu, izvjestioc Mladen Pandurević;

Predsjedavajući je pozvao gospodina Safudina Čengića, predsjednika U.O. UPFBiH i gđina. Mladena Pandurevića da izvjesti prisutne o tačkama 3a. 3b. 3c. 3d. i 3e. dnevnog reda. Gđin. Safudin Čengiće je izvjestio prisutne o 3a. 3b. i 3d a gđin. Mladen Pandurević je izvjestio prisutne o tačkama 3c. i 3e. dnevnog reda.

Vežano za Izvještaj o radu gđin. Čengić je istakao neke od najznačajnijih uspjeha u protekloj godini kao što su:

- Obilježavanje jubileja 10 godina rada UP FBiH,
- Sastanak poslodavaca i Premijera Vlade FBiH,
- Formiranje Grupacije poslodavaca iz oblasti finansijskog poslovanja,
- Potpisan memorandum o razumjevanju sa Udruženjem Banaka BiH,
- Pokrenute su inicijative za formiranje Grupacije poslodavaca Zapadno-hercegovačkog kantona, formiranje Grupacije poslodavaca ugostiteljstva i turizma pri Udruženju poslodavaca u FBiH
- Na inicijativu UPFBiH raskinut Granski kolektivni ugovor za oblast finansija – pregovori o novom KO su u toku;
- Pokrenuta aktivnost za raskidanje Općeg i svih granskih kolektivnih Ugovora i aktiviranju pregovora sa Sindikatima za potpisivanje novih KO
- Potpisan Kolektivni ugovor o izmjenama i dopunama kolektivnog ugovora u oblasti cestovnog prometa za teritoriju FBiH;
- Inicirane aktivnosti na potpisivanju novog općeg Kolektivnog ugovora.
- UP FBiH organiziralo Okrugli sto na temu: “Osnivanje privredne-gospodarske arbitraže Udruženja poslodavaca u FBiH”; te Konferenciju na temu: „Poreska reforma u funkciji podsticanja razvoja privrede i novog zapošljavanja“;
- UP FBiH aktivno je učestvovalo u kreiranju Zakona o izmjenama i dopunama Zakona o privrednim društvima; Zakona o privrednim komorama; Zakona o doprinosima - izmjene i dopune člana 7. ; Ukidanju parafiskalnih nameta za turističke zajednice i šume na nivou FBiH;
- Na inicijativu UP FBiH; Izmijenjen Pravilnik kojim se reguliše veličinu granulata za zimsko održavanje ceste, Eliminirane negativne posljedice Naredbe o nadležnosti carinskih ispostava o carinjenju roba afro-azijskog porijekla; Objavljen spisak kompanija koje ne izmiruju doprinose (najveći dužnici su kompanije u većinskom državnom vlasništvu)
- Nakon stečaja SCT d.d. Ljubljana - MPIK FBiH isplatilo domaće kompanije podizvođače - izmijenilo Pravilnik po osnovu koga strane kompanije izvođači radova ne mogu naplatiti svoja potraživanja ukoliko ne dostave potvrdu da su izmirile dugovanja prema podizvođačima najčešće domaćim kompanijama.

Predsjednik UPFBiH Safudin Čengić govoreći o predstojećim aktivnostima, kao prioritetno je izdvojio rješavanje pitanja rasterećenja privrede, odnosno smanjenja doprinosa i poreza koji su među najvećim u Evropi. Što se tiče kolektivnih ugovora na nivou FBiH, ovo udruženje traži da se podhitno raskinu postojeći ugovori i potpišu novi koji bi bili adekvatni realnom trenutku. Čengić je dodao da UPFBiH ima oko 3000 pojedinačnih članica i oko 50 kolektivnih članica, kao što su udruženja banaka, zanatlija i slično.

U proteklom periodu, kazao je Čengić, napravljen je značajan iskorak u smislu proširenja članstva. Upravni odbor Udruženja poslodavaca odluke donosi jednoglasno i svaki put sjednice održava u drugom gradu, gdje se okupe poslodavci sa tog područja i sa njima razgovara o problemima sa kojima se suočavaju. Ponašamo se odgovorno prema svakom pitanju koje se stavi na dnevni red, a aktivno smo učestvovali i u radu Ekonomsko-socijalnog vijeća na kome smo iznijeli svaki aktuelni problem sa kojim se susreću poslodavci - dodao je Čengić

Vezano za Program rada UPFBiH za 2013. gđin.Čengić je napomenuo prisutnima da su materijale dobili te da neće posebno izvještavati o svakom poglavlju te da na osnovu diskusije učesnika treba da se napravi Program rada za 2013.godinu.

Vezano za finansijski Izvještaj za 2012.godinu i Finansijski plan 2013. godine Predsjedavajući je pozvao gđina. Mladena Pandurevića, direktora Udruženja poslodavaca u FBiH da izvjesti prisutne o navedenim dokumentima.

Gđin. Pandurević je napomenuo da su svi dobili materijale i ukratko obavijestio prisutne o ovoj tački dnevnog reda.

Nakon izvještavanja prisutnih od stane izvjestioca Predsjedavajući Skupštine je otvorio diskusiju.

U diskusiji u učestvovali:

Nedim Čehajić, direktor kompanije IN istakao je da Udruženje poslodavaca FBiH treba u ovoj godini, između ostalih, aktivnosti svoj rad usmjeriti i prema grani građevinarstva jer ova kompanija dolazi iz ove oblasti. Naveo je da je naša zemlja jedina koja nema ministarstvo građevinarstva i da je neophodno uspostaviti ovo ministarstvo kako bi se zakonske regulative vezane za ovu oblast pojednostavile i na taj način pomoglo građevinskim kompanijama.

Bećir Čengić, direktor kompanije El Tarik Oil koji je u svom izlaganju naveo da u principu on i njegova kompanija imaju korektnu saradnju sa predstavnicima vlasti ali ih ovom prilikom moli da pomognu privrednicima u prevazilaženju trenutne krize.

Nijaz Skenderagić, Ataco iz Mostara u svom izlaganju rekao je da investicije iz Bosne i Hercegovine odlaze u susjedne zemlje kao što je Srbija i Makedonija. Odnos između privrednika i predstavnika vlasti treba uozbiljiti jer mi smo ti koji zapošljavamo ljude i punimo budžete. Vlasti i poslodavci bi trebali razgovarati o mjerama ekonomske politike i u tom duhu predložio je slijedeće aktivnosti koje se trebaju uvrstiti u program rada;

- najmanje jednu do dvije tematske Skupštine zajedno sa predstavnicima vlasti, sindikatima i privrednicima,
- da se uputi javni apel da zapošljavanje direktora u javnim preduzećima bude preko javnih konkursa u skladu sa programima rad,
- da Upravni odbor UPFBiH uputi javni apel u vezi formiranja egzistente vlade od stručnjaka i eksperata i da naš Upravni odbor ponudi konkretne mjera prema vladi,
- potrebno je ispitati ko su ljudi koji nas zastupaju u komorama i to prvenstveno u Vanjskotrgovinskoj komori BiH
- da Udruženje pokuša naći način i taktiku saradnje sa medijima jer moramo biti prisutni u medijima što više, te moramo podržavati medije koje podržavaju nas kako elektronske tako i printane.

Miljenko Čolak, predstavnik Lager doo je istakao da je Udruženje poslodavaca kao socijalni partner treba iskoristiti vještinu i dobre sposobnosti da sa vlašću stvori partnerske odnose i jedan dobar okvir za poslovanje i investicije. Nadam se da će naše vodstvo koristiti pregovaračke vještine da bismo ostvarili pozicije da možemo raditi kvalitetan posao, istakao je gđin. Čolak.

Darija Marković, koordinator za marketing Privredne štampe je pozvala predstavnike Udruženja poslodavaca da u budućnosti rade zajedno na projektu 100 najvećih. Također je pozvala predstavnike Udruženja da kroz mjesečno izdanje časopisa Poslovne novine promovišu rad i aktivnosti Udruženja.

Igor Baroš, Baroš doo je u svom izlaganju podržao rad Udruženja i o važnosti postojanja organizacija poslodavaca uključujući i komore. Potrebno je da radimo zajedno ali ne smijemo se duplirati, istakao je gđin. Baroš.

Brano Vujičić, Ping doo je istakao da Udruženje treba vršiti promociju i rad Udruženja kroz moderne kanale komunikacije kao što je facebook, twitter itd.

Petar Ćorluka, Violeta doo je obraćajući se prisutnima istakao je da su u BiH dosta korektni propisi u odnosu na propise Hrvatske i Slovenije ali novi propisi konkretno Prednacrt Zakona o porezu na dobit je katastrofalan.

Suad Hasanbašić, Centar doo Jelah je istakao da je potrebno donijeti zaključak da se hitno stupa u akciju rješavanja problema u vezi Naredbe o nadležnosti carinskih ispostava za carinjenje određenih vrsta roba porijeklom iz Afrike i Azije.

Nakon diskusije predsjedavajući Skupštine je stavio Prijedloge materijala na glasanje.

ZAKLJUČAK: Nakon pojedinačnog glasanja za svaki od dokumenata Predsjedavajući Skupštine je konstatovao:

- a) **Izvještaj o radu UPFBiH za 2012. godinu je jednoglasno usvojen u predloženom obliku**
- b) **Izvještaj o radu ESV-a za teritoriju FBiH za 2012. godinu jednoglasno usvojen u predloženom obliku**
- c) **Finansijski izvještaj UPFBiH za 2012. godinu je jednoglasno usvojen**
- d) **Programa rada UPFBiH za 2013. godinu jednoglasno usvojen sa primjedbama i prijedlozima koji su izneseni tokom Skupštine**
- e) **Finansijski plan za 2013. godinu jednoglasno usvojen u predloženom obliku**

Nakon glasanja Predsjedavajući je pozvao gđina Mladena Pandurevića da prisutne izvjesti o preostale dvije tačke u okviru tačke 3. dnevnog reda a to su:

Razmatranje i usvajanje:

- f) Prijedloga Statuta o izmjenama i dopunama Statuta, izvjestioc Mladen Pandurević;
- g) Prijedlog Odluke o visini članarine, izvjestioc Mladen Pandurević;

Vežano za Izmjene i dopune Statuta gđin. Pandurević je istakao da je predložena izmjenu član 27. Statuta UPFBiH, i to da se ostavlja mogućnost UO da tokom rada između dvije Skupštine kooptira 2 nova člana u UO. Razlog ove izmjene je povećan broj članova i želja da se tokom rada UO budu zastupljene sve članice jednako, kako pojedinačne tako i kolektivne.

Vežano za Odluku o visini članarine Udruženja poslodavaca predložene su izmjene u slijedećem smislu:

- smanjenje članarine za kompanije koje upošljavaju manje od 5 osoba
- uvođenje uplate 1000 KM godišnje za kompanije koje imaju članove u Ekonomsko –

socijalnom vijeću na jednom nivou, ako imaju na više nivoa onda je to 1500 KM.

- uvodi se mogućnost da se zbog krize smanji iznos članarine za 1/3 odnosno 35% članovima koji se obrate Udruženju sa takvim zahtjevom
- uvodi se mogućnost da Skupština ovlasti UO da može na prijedlog direktora donijeti odluku da za narednu budžetsku godinu smanji iznos članarine za oko 5%.

Nakon izlaganja gdina. Pandurevića Predsjedavajući je stavio ove tačke na glasanje.

ZAKLJUČAK: Obzirom da nije bilo primjedbi od strane prisutnih nakon glasanja konstatovano je:

Prijedloga Statuta o izmjenama i dopunama Statuta jednoglasno usvojen u predloženom obliku

Prijedlog Odluke o visini članarine jednoglasno usvojen u predloženom obliku

IV tačka: Predlaganje Skupštini za izbor predsjednika i dva zamjenika predsjednika Skupštine

Predsjedavajući Skupštine je upoznao prisutne da je Predsjedniku Skupštine i zamjenicima Predsjednika mandat istekao, te da Skupština treba izabrati novog predsjednika i dva zamjenika predsjednika.

Predsjedavajući Skupštine je istakao da je Upravni odbor predložio da se za Predsjednika Skupštine ponovno imenuje gđin. Zoran Gazibarić, vlasnik i direktor kompanije Nobil iz Nove Bile a za dva zamjenika predsjednika također ponovo imenuje gđin. Brano Vujičić, direktor Pinga iz Sarajeva i Sulejman Haračić, direktor Fah komerca iz Zenice.

Predsjednik je otvorio diskusiju i dao prijedloge na glasanje.

Zaključak: Obzirom da nije bilo novih prijedloga, Skupština je jednoglasno usvojila prijedlog UO UPFBiH.

Za predsjednika Skupštine Udruženja poslodavaca u FBiH imenovan je Zoran Gazibarić, vlasnik i direktor kompanije Nobil iz Nove Bile.

Za zamjenike predsjednika Skupštine izabrani su Brano Vujičić, direktor Pinga iz Sarajeva i Sulejman Haračić, Fah komerc iz Zenice.

Skupština je završena u 14:30 sati.

ZAPISNIK SAČINILA

Mersiha Jusić

PREDSJEDAVALJUĆI SKUPŠTINE

Zoran Gazibarić

Sarajevo, 26.03.2013. godin

Broj: I- 028/13